

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ
ՈՐՈՇՈՒՄ N 13/3

ք. Երևան

26 մայիսի 2020թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՀԵՌԱԿԱ ՈՒՍՈՒՑՄԱՆ ՁԵՎՈՎ
ՄԱԳԻՍՏՐԱՏՈՒՐԱՅԻ 2020-2021 ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ ԿԱՐԳԸ»
ՀԱՍՏԱՏԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի կանոնադրության 49-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, հիմք ընդունելով հարցման կարգով իրականացված քվեարկության արդյունքները՝ Երևանի պետական համալսարանի գիտական խորհուրդը որոշում է.

1. Հաստատել «Երևանի պետական համալսարանի հեռակա ուսուցման ձևով մագիստրատուրայի 2020-2021 ուսումնական տարվա ընդունելության կարգը»՝ համաձայն հավելվածի:

2. Սույն որոշումն ուժի մեջ է մտնում հրապարակման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Գ.Գ. ԳԵՎՈՐԳՅԱՆ

Հավելված
Հաստատված է
ԵՊՀ գիտական խորհրդի
2020թ. մայիսի 26-ի թիվ 13/3 որոշմամբ

ԵՊՀ գիտական խորհրդի նախագահ
Գ.Գ.Գևորգյան
«26» մայիսի 2020թ.

Կ Ա Ր Գ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՀԵՌԱԿԱ ՌԻՍՈՒՑՄԱՆ ԶԵՎՈՎ ՄԱԳԻՍՏՐԱՏՈՒՐԱՅԻ 2020-2021 ՌԻՍՈՒՄՆԱԿԱՆ ՏԱՐԿԱ ԸՆԴՈՒՆԵԼՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են «Երևանի պետական համալսարան» հիմնադրամի (այսուհետ՝ ԵՊՀ) հեռակա ուսուցման ձևով մագիստրատուրայի 2020-2021 ուսումնական տարվա ընդունելության կարգն ու պայմանները:

2. Սույն կարգի իրավական հիմքերն են՝ Հայաստանի Հանրապետության օրենքները, կառավարության որոշումները, Հայաստանի Հանրապետության կրթության և գիտության նախարարի հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը», ԵՊՀ կանոնադրությունը և այլ իրավական ակտերը:

2. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅԱՆ ԿԱՐԳՆ ՈՒ ՊԱՅՄԱՆՆԵՐԸ

3. Հեռակա ուսուցման ձևով ԵՊՀ մագիստրատուրա մրցութային կարգով կարող են ընդունվել Հայաստանի Հանրապետության պետական և ըստ մասնագիտությունների հավատարմագրված (ինստիտուցիոնալ հավատարմագրում անցած) ոչ պետական բարձրագույն ուսումնական հաստատությունների բակալավրի կամ դիպլոմավորված մասնագետի որակավորում ունեցող շրջանավարտները:

Մագիստրատուրայում օտարերկրյա քաղաքացիների ընդունելությունը կատարվում է հարցազրույցի անցկացման ձևով, դրա արդյունքների հիման վրա:

Հեռակա ուսուցման ձևով մագիստրատուրայում կրթությունը կազմակերպվում է միայն վճարովի հիմունքներով, բացառությամբ օրենքով նախատեսված դեպքերի:

4. Մագիստրատուրայի ընդունելությունը կազմակերպելու նպատակով ձևավորվում է ընդունող հանձնաժողով՝ ԵՊՀ ռեկտորի նախագահությամբ: Հանձնաժողովի կազմում ընդգրկվում են ԵՊՀ հումանիտար և հասարակագիտական մասնագիտությունների ու բնական և ճշգրիտ մասնագիտությունների գծով պրոռեկտորները, ուսումնամեթոդական վարչության պետը և ուսումնամեթոդական վարչության մագիստրատուրայի բաժնի ներկայացուցիչը:

Մագիստրատուրայի ընդունելության հայտերն ուսումնասիրելու, քննությունների արդյունքներն ամփոփելու և դիմորդի ընդունելության վերաբերյալ եզրակացություն տալու նպատակով ԵՊՀ ռեկտորի հրամանով ձևավորվում է մանդատային հանձնաժողով՝ ԵՊՀ համապատասխան պրոռեկտորի նախագահությամբ: Հանձնաժողովի կազմում ընդգրկվում

են ԵՊՀ ուսումնամեթոդական վարչության պետը, ֆակուլտետների ղեկանները և ուսումնամեթոդական վարչության մագիստրատուրայի բաժնի աշխատողները:

Ընդունելության քննությունների անցկացման նպատակով ԵՊՀ պրոռեկտորների հրամանով ձևավորվում են առարկայական քննական հանձնաժողովներ, որոնց կազմում ներգրավվում են տվյալ ֆակուլտետի ղեկանը, համապատասխան մագիստրոսական կրթական ծրագրերի ղեկավարները և ընդունող հանձնաժողովի ներկայացուցիչը (ըստ անհրաժեշտության):

5. Հեռակա ուսուցման ձևով մագիստրատուրայի ընդունելության փաստաթղթերն ընդունվելու են առցանց՝ <https://admission.y-su.am/> կայքի միջոցով ընթացիկ տարվա սեպտեմբերի 10-ից մինչև հոկտեմբերի 12-ը: Ընդունելության քննությունները անցկացվելու են ընթացիկ տարվա հոկտեմբերի 19-21-ը:

6. Հեռակա ուսուցման ձևով մագիստրատուրայի ընդունելության մրցույթին առանց ընդունելության քննության կարող են մասնակցել ԵՊՀ բակալավրիատի առկա և հեռակա ուսուցման ձևերի տվյալ մասնագիտության վերջին երեք տարվա շրջանավարտները, ովքեր ավարտական աշխատանքի պաշտպանությունից և ամփոփիչ ատեստավորման քննությունից ստացել են 13 և բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ-ը) կազմում է առնվազն 13:

13-ից ցածր ՄՈԳ ունեցող դիմորդների ընդունելությունը կատարվում է մրցութային հիմունքներով՝ տվյալ մասնագիտության բակալավրի կրթական ծրագրին համապատասխան հարցաշարով անցկացված քննության արդյունքների հիման վրա: Ընդունելության վերաբերյալ որոշումը կայացնում է ընդունող հանձնաժողովը՝ առարկայական քննական հանձնաժողովների ներկայացրած արձանագրությունների հիման վրա:

ՀՀ զինված ուժերում պարտադիր զինվորական ծառայություն անցած և և վերջին երեք տարվա ընթացքում զորացրված **տվյալ մասնագիտությամբ** դիմորդները հեռակա ուսուցման ձևով մագիստրատուրա ընդունվում են առանց ընդունելության քննության, բացառությամբ «Իրավագիտություն» մասնագիտության, որտեղ ընդունելությունը կատարվում է հարցազրույցի արդյունքների հիման վրա: Ընդունելության վերաբերյալ որոշումը կայացնում է ընդունող հանձնաժողովը՝ մանդատային հանձնաժողովի եզրակացության հիման վրա:

«Իրավագիտություն» մասնագիտությամբ հեռակա ուսուցման ձևով ընդունելության մրցույթին կարող են մասնակցել միայն «Իրավագիտություն» մասնագիտությամբ իրավագիտության բակալավրի որակավորում ունեցող շրջանավարտները:

7. Մասնագիտության փոփոխության դեպքում կամ այլ բուհերի շրջանավարտների, ինչպես նաև ՀՀ Ազգային բանակում ծառայած և երեք տարուց ավելի վաղ զորացրված դիմորդների հեռակա ուսուցման ձևով մագիստրատուրա ընդունելությունը կատարվում է տվյալ մասնագիտության բակալավրի ծրագրին համապատասխան կազմված հարցաշարով անցկացված քննության արդյունքներով:

Ընդունելության վերաբերյալ որոշումը կայացնում է ընդունող հանձնաժողովը՝ հիմք ընդունելով առարկայական քննական հանձնաժողովների ներկայացրած արձանագրությունները:

8. Հեռակա ուսուցման ձևով մագիստրատուրա ընդունված դիմորդները պարտավոր են մինչև ընթացիկ տարվա նոյեմբերի 5-ը վճարել ուսման վարձավճարը, որից հետո կատարվում է նրանց հրամանագրումը՝ ըստ մասնագիտությունների և մագիստրոսական ծրագրերի:

3. ԸՆԴՈՒՆԵԼՈՒԹՅԱՆ ՄՐՑՈՒՅԹԻՆ ՄԱՍՆԱԿՑԵԼՈՒ ՀԱՄԱՐ ՆԵՐԿԱՅԱՑՎՈՂ ՓԱՍՏԱԹՐԹԵՐԸ

9. Մագիստրատուրայի ընդունելության համար դիմորդները պետք է մուտքագրեն և սքանավորեն հետևյալ փաստաթղթերը.

ա) մագիստրատուրայի ընդունելության լրացված դիմում-հայտ, որում դիմորդը, ըստ նախապատվության, կարող է նշել առավելագույնը 2 մագիստրոսական ծրագիր: Նշված առաջին ծրագրի չբացվելու դեպքում դիմորդը մասնակցում է երկրորդ ծրագրի մրցույթին (մագիստրոսական ծրագիրը չի բացվում, եթե ուսանողների թիվը չի համապատասխանում «ԵՊՀ դասախոսական կազմի ուսումնական և ուսումնամեթոդական բեռնվածության հաշվարկի նորմերի» 1-ին կետի պահանջներին):

բ) բարձրագույն կրթության դիպլոմի և հավելվածի բնօրինակները,

գ) 2 հատ լուսանկար (3x4 չափի),

դ) զինվորական գրքույկի բնօրինակը (առկայության դեպքում),

ե) անձնագիրը,

զ) ընդունելության ծառայությունների համար գանձվող 1000 դրամի վճարման անդորրագիրը:

11. Ընդունելության հրամանը ստանալուց հետո համապատասխան ֆակուլտետի գործավարը տպում է ուսանողի առջանց մուտքագրած փաստաթղթերը և կազմում է ուսանողի համար անձնական գործ: